



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

De Tempore

**Landsberg, Johannes Justus**

**Coloniae Agrippinae, 1631**

V. post Natiuitatem,

[urn:nbn:de:hbz:466:1-47044](https://nbn-resolving.org/urn:nbn:de:hbz:466:1-47044)

DOMINICA V. POST DOMINI NATIVITATEM, Epistola B. Pauli Apostoli, ad Romanos XIII.

Exod. 10.



*N*emini quicquam debeatis, nisi ut inuicem diligatis. Qui enim diligit proximum, legem impleuit. Nam non adulterabis, non occides, non furaberis, non falsum testimonium dices, non concupisces, & si quod est aliud mandatum, in hoc verbo instruat. *Diliges proximum tuum sicut teipsum.* Dilectio proximi malum non operatur. Plenitudo ergo legis est dilectio.

PARAPHRASIS IN EANDEM EPISTOLAM.

Roma. 17.

**A**nte hæc verba Apostolus Romanos, imò & mortales cunctos pramonuerat, ut omnibus sua redderent debita. Cui tributum, tributum: cui vestigal, vestigal: cui timorem, timorem: cui honorem, honorem: & hoc modo singulis quicquid deberent, redderent. Nemini aliquid deberent, nunc reddendum: quia absque iniuria non sit, si alicui debeas aliquid & reddere posses, si non reddideris. Quo periculum peccatumque intelligitur, præcipuè horum, qui cum habeant quod debent, & liberare se possint, non tamen quod debere se fatentur, etiam soluunt. Grauatæ enim nimis ferunt à pecunia exonerari. Dicit itaque priorem sententiam confirmans: Nemini quicquam debeatis, nisi ut inuicem diligatis. Cum enim alia fuerint à vobis reddita omnia, puta pecunia, vestigal, honor, timor, & id genus plura, vnum manet quod semper debetis, ut vos mutuo diligatis. Nullum namque tempus est, quo non debeamus nos diligere mutuo. Alia enim quæ debentes reddimus, à nobis transeunt ad alios, quibus damus. Charitas verò nunquam satis redditur, ut liberemus nos semel, posthac nõ dilecturi: sed manet debitum, ut quantumuis soluimus, quantumuis reddimus, semper æquè debitores maneamus, nec etiam charitas, cum reddimus eam, aut impendimus, à nobis ad alios transit, ita ut nos deserat, sed quo plus soluimus, eo plus retinemus. Est ergo sensus: Cætera omnia soluente, ut nihil debeatis. Charitatem autem ita soluente, ita effundite, ut semper eam habeatis & debeatis. Qui enim diligit proximum, legem impleuit. Charitas enim sola est quæ legem implet, sine qua lex nulla impleri potest. Nihil autem obstat, quod solam dilectionem proximi hic commemorat, quia dilectionem Dei neutiquam tacet, quisquis dilectionem mandat proximi obseruandam propter Deum. Non enim ea dilectio nobis proximi præcipitur, quæ ex affectione est naturæ, aut sanguinis propinquitate, aut sociali, familiarive contracta consuetudine, sed quæ propter Deum concipitur, fouetur & impenditur. Dilectio itaque proximi legem impleuit. Nam non adulterabis, quid aliud est quam proximum dilige? Qui enim proximum diligit, eius non debonestat uxorem. Itaque, non adulterabis, non occides, non furaberis, non falsum testimonium dices, nõ concupisces rem proximi tui: & si quod aliud est mandatum, impletur perficiturque in hoc verbo: *Diliges proximum tuum sicut teipsum.* Quis enim eius uxorem adulterat, quis illam occidet, quis ei furabitur, quis falsum contra illum testimonium

Dilectio proximi quæ præcipitur.

Exod. 10.

Matth. 22.



nium proferet, aliave iniuria, aut contumelia lædet, quem diligit? Omnia igitur hæc legis præcepta de dilectione proximi, in hoc vno coadunantur: Diliges proximum tuum sicut teipsum. Quapropter quomodo te diligere debes, hoc modo etiam proximum dilige, puta ad virtutem, ad salutem, ad Dei honorem, ad iustitiam quoque: hoc est, quia iustus es, aut ut iustus fias te, ac proximum dilige. Dilectio enim proximi, malum nõ operatur. Caritas enim non peccat. Sed vide quæ dilectio sit caritas, ne alia quàm charitatis dilectione hominem diligens seducaris. His enim qui ex professione Dominum Deum solum volunt diligere. multa sese obijciunt, quibus fallitur, irretiturque animus ad diligendum, quæ sub fuce quidam se putant charitatis amare, ad quæ tamen caritas non trahit, sed carnalis, sensualis, naturalis, vitiosusque amor ut diligantur. Porro ubi vera est dilectio, ubi vera caritas, ibi plenitudo, impletio, consummatioque est legis, dilectio.

## EXEGETIS EVANGELII EIVSDEM

Dominica, Matthæi VIII.

Post leprosi & paralytici serui, scilicet Centurionis, curationem, ubi Petri à febris socrum curauerat, aliosque multos demoniacos & languidos, videns turbas iuxta se, voluit in alteram partem lacus transfretare, in omnibus volens nos docere, atque quomodo non solum in terra, sed etiam in mari potens esset miracula facere, cui quia Dominus erat vniuersorum, forent subiecta omnia, ostendere. Ait ergo Euangelista:

Math. 7.  
Luce 4.

Ascendente Iesu in nauiculam, secuti sunt eum discipuli eius.

Quod Christus ultra mare (sic enim quemuis lacum magnum aut aquatum congregationem Iudæi vocant) recedere voluit, quasi turbas fugiturus. non ideo fecit quod secreto loco, solitudineve posset iuari, sed nobis, ut alia omnia, hoc monstrauit in exemplum, quo turbas, hominumque aspectus vbicunque potuerimus, declinemus. Nobis enim timuit, ne popularis fauor, turbarum acclamatio, laus, gloriaque hominum imponeret: ideo in se docuit nos eligere secretum, & ab hominum occursum aspectuque nos subducere. Alia quoque potuit esse ratio (nihil enim nos non docere voluit) ut post multas fatigationes turbarum in alium secederet locum, ultra scilicet mare Galilæe, quo infirmitatem humanam requie interdum egeremonstraret, quomodo alibi Marcus illud suis dixisse refert: Venite seorsum in desertum, & requiescite pusillum. Voluit præterea Dominus hic præcipue prælatos & eos, qui aut docere, aut prædicare alijs solent, docere, quomodo, ubi necessitas est, alijs viuant, verum ubi satisfecerint alijs (quibus sua opera subuenerunt) sese ad se, hoc est, ad locum secretum, ad abstractam vitam atque mentis secessum recipiant. Neque enim alijs tantum, neque sibiipsis solum nati sunt, sed à Deo in curam, in regimen, & in ædificationem sunt in ultorum constituti, pro quorum eruditione & pabulo verbi Dei, ipsi quoque sapius redire habent ad pastum, hoc est, ad lectionum, orationum, meditationumque secreta silentia: ubi propriæ vacent conscientie discussioni, ubi deuotæ studeant compunctioni, & in seipsis discant quod alios sunt docturi. Sciendum autem nihil hic in terris Dominum egisse quod non doce-

P ret,



ret, quod non ædificaret, quod nobis non loqueretur. Humilitatis enim magister humilia nos vult libenter amplecti, quod suo nos propterea exemplo docuit. Siquidem nusquam nauem cortinis operatam, nusquam negotiatorum nauem aliquam sumptuosam, sed piscatorum tantum legitur nauiculas intrasse. Quo nos humilia, viliora quoque docet amplecti, ipse superbis atque pomposis.

Et ecce motus magnus factus est in mari, ita vt operiretur nauicula fluctibus, ipse verò dormiebat.

Voluit suam virtutem, omnipotentiãque monstrare nobis, cui omnia cogentur obedire elementa: idcirco fortasse, non naturaliter, sed eius dispensatione singulari tempestas in mari, hoc est, in stagno Genezaret, quod transibat, exorta est vehemens adeo, vt submersi fuissent, nisi à Domino id magno prohibitum fuisset miraculo. Voluit enim discipulos maris aduertitate, periculoꝝ mortis exterreri, quo compulsi confugerent ad orationem. Est enim præcipuus hic stimulus reuertendi ad Dominum, eiusq; opem querendi, dum tribulamur. Manifesta: hoc, qui dicit: *Exaudi me Domine quoniam benignus est misericordia tua, secundum multitudinem miserationum tuarum respice in me. Et ne auertas faciem tuam à peccato tuo, quoniam tribulus, velociter exaudi me. Intende anima mea & libera eam.* Propterea alibi quoque refert Psalmista: *Clamauerunt ad Dominum cum tribularentur, & de necessitatibus eorum liberauit eos.* Ipse verò dormiuit, & vt alius habet Euangelista, in puppi super nauicula, in futuro miraculo virtutem ostendere voluit diuinam, ideo dormiendo naturam exhibuit humanam. Neque enim dormiuit secundum intellectionem, sed iuxta sensitiuam animæ portionem: idcirco non coactè aut inuitè, vt alij homines, qui somno solent obrui, sed sponte & deliberata ratione. Rationis enim iudicio & imperio voluntatis, corporalis natura sensitiuam animæ pars per omnia obediebat in Christo, tamen causa somni, è qua oritur naturaliter somnus, puta vaporum ascensio in caput corporalisque naturæ fatigatio, verè fuerunt in Christo. Dormiuit itaque Dominus in naui dissimulans discipulorum metum atque pericula. Sciebat enim quid futurum erat, & eo perducebat eos, vt illos instruens sibi ipsis ostenderet. Irerunt igitur sentientes periculum, & importunitate quadam ad Dominum currunt.

Et rogauerunt eum dicentes: Domine salua nos, perimus. Dicit eis Iesus: Quid timidi estis modicæ fidei?

Domine, inquit, salua nos, perimus, hoc est, nisi tu nobis subuenaris, peribimus omnes à tempestate maris. At illis respondens Iesus: Quid timidi, inquit, estis modicæ fidei? Non omnino nullam habuerunt fidem de Christo discipuli, sed adhuc modicam. Nam timore inordinato timebant perire Domino Iesu dormiente. Dormiebat enim in naui Dominus maris, sed magis dormiebat in eorum cordibus. Quem excitabant, vt ipsius virtute tempestatibus imperante, maris euaderent pericula. Videtis quantula eorum erat fides. Domino credebant vigilantem, vt sub ipsius cura euaderent pericula: dormienti non confidebant, ideo excitabant quasi de periculis & tempestate maris nescientem, aut quasi fuisset

Psalm. 31.

Psalm. 115.

Matth. 4.



T. VI  
21

ius virtus & diuinitas somno oppressa. Quid timidi estis modicæ fidei? An vobis me dormiente quicquam euenire possit periculi, quod non eueniret me vigilante? An vigilans vos tueri possum, dormiens non possum? Quod si mors irrueret, nonne hanc constantissimè deberetis sustinere? Et quare ipsi non imperatis mari, vt quiescat? Si fidem haberetis, diceretis huic monti, Tollere, & mitte te in mare, & fierat, *Omnia enim* Marc. 16.  
*possibilia sunt credenti.* Marc. 9.

Tunc surgens imperauit ventis & mari, & facta est tranquillitas magna.

Surgit à somno, imperat ventis, hoc est, autoritate diuina præcepit eis, vt quiescerent, & facta est tranquillitas magna, tam magna, vt maior ante nunquam visa sit in mari. Quæ enim miraculo sunt diuino, magnificentiora, perfectiora quæ sunt his, quæ naturali sunt ordine. Facta est autem hæc tranquillitas subito, vt omnibus manifestaretur virtute facta diuina. Marcus ita refert: *Exsurgens comminatus est vento, & dixit mari: Tace, & obmutescit.* Marc. 4.

Porro homines mirati sunt dicentes: Qualis est hic, quia mare & venti obediunt ei?

Mirantur hominem dormientem, Deum imperantem, creaturam obediens, ideo dicunt: Quis est hic, id est, quantus est hic, quia mare & venti obediunt ei? Hoc dixerunt illi homines. Qui fuerit hi homines? fortasse nauæ, aut discipulos vocat hic homines, quia nondum perfectè potentiam nouerant Saluatoris. Videre hic, quàm studiosè Dominus discipulorum, omniumque nostrum diligit queritque profectum. In naui dormire voluit, & quasi per somnum tempestatem non aduerteret, dissimulauit, quo discipuli exterriti, quod in cordibus eorum erat, tunc proderet, sibiipsis manifesti fierent, & seipsos agnoscerent corrigerentque imperfectos. Habemus hic instructionem, quod homo in necessitatibus, famis, pressuræ, aut alijs periculis aduersitatibusque constitutus (quibus seipsum iuuare non potest, nec habet, vnde iuuetur ab alio) non debet pusillanimis ac deiectus fieri, sed Deo se committere, Deum inuocare, Deo confidere, Deo se resignare & relinquere, quandoquidem discipuli non de timore, sed de fidei pusillanimitate hic arguuntur. Docemur quoque in omnibus cogare Deum. Dissimulauit enim dormiens, vt discipuli orarent. Hoc modo multis nos periculis exponit, vt cogat nos ad orationem. Quando enim (vt Iosaphat dixit) ignoramus, quid agere debeamus, hoc vnum nobis relictum est, vt manus nostras leuemus ad cælum. Per aduersitates igitur Dominus inducit in timorem & anxietatem, per timorem in agnitionem desperationemque infirmitatis nostræ, per desperationem nostri consilij reuocat nos ad considerationem diuinæ suæ bonitatis, ex hac consideratione rursus nos erigit ad spem & fiduciam erga se. Inde oritur nobis ad ipsum oratio, quæ nobis est utilis, tum propter humilitatem, quia de nobis dissidimus, tum propter fiduciam ad Deum, qua Deum honoramus bene de eodem sentientes. Hæc autè fiducia inde augetur in nobis, quando sentimus nos à Deo adiutos nostramque orationem auditam. Moraliter potest hoc Euangelium

Confidere  
scilicet Deo  
committere  
quatenus  
quisque de-  
beat.

2. Para. 20.



UNIVERSITÄTS-  
BIBLIOTHEK  
PADERBORN



Nauicula vt designet poenitentiam.

exponi, vt per nauiculam intelligatur poenitentia, quia quisquis in eam intrauerit, ducitur ad portum salutis. Est autem poenitentia adeo omnibus necessaria, vt nemo mare huius seculi transire possit, qui hanc non intrauerit nauiculam. Figurata est namque per arcam Noe, extra quam quisquis ad illam non receptus fuerat, vt periret, necesse erat. Hoc modo, quia peccauimus omnes, & nemo se dicere potest mundum absque peccato, nisi nauiculam hanc intrauerimus poenitentia, peribimus omnes. Vita nostra quotidiana (verè & verè dico) nihil aliud est, nobis adhuc infirmis, nobis adhuc imperfectis, tamen poenitentibus & bonæ voluntatis, quàm peccatum. Quid enim aliud agimus, quicquid agimus, quàm quod semper deficientes, nihil ad plenam iustitiam perfectum, nihil non inquinatum, imò nihil dignum Deo offerimus. Nihil reuera vnquam agimus, de quo quod sanum, quod sit emaculatum, possimus gloriari. In quouis opere nostro inuenimus, quod doleamus, cuius poeniteamus. Aut enim nimium est, aut minus, aut aliud accessit vitiosum, aut in modo & ordine defecimus, aut certè non satis pura intentione moti sumus ad opus. Omnes igitur intrare hanc nauiculam poenitentia necesse est, & omnes Christo nos miserante, Christo nos prosequente, Christo nos ducente oportet nauigare. Nauigando autè per hoc seculum, per huius vitæ pericula, per ambiguos anfractus, atq; per processus solas tempestates, & tentationum fluctus, non minus impossibile est tempestatibus aduersitatibus, tentationibusq; nos cõcuti, quàm eos qui nauigant mare. Contra enim eum, qui se parat ad Christi militiam, armatur non solum diabolus, verùm etiam mundus totus. Necesse igitur est eum, qui poenitentia introire vult nauiculam, aut terrenis omnibus abrenuñciat, hostique diabolo simul ac carni suæ indicat bellum. Certissimùm est enim, vt recedente à se persequatur Pharaon, siue mundus, siue diabolus cum omni exercitu suo, quomodo scriptum est: *accedens fili ad seruiturè Dei, stans in timore Dei, & preparans animam tuam ad tentationè.* Alius enim, quod incipis relinquere mundi vanas, & poenitentia facere opera, te ridet, alius detrahit, alius obiurgat, alius dehortatur & dissuadet, alius te suo exemplo scandalizat, & e centum non inuenies vnũ, qui te confortet, promoueat, extimuletq; ad bonum perfectionis. Hæ itaq; tentationes vndecunq; veniunt, aut aduersitates, quid aliud sunt, quàm maris motus & tempestates? Hæ exurgunt, & nimio terrore molliuntur submergere nauem. Verùm tamen quamdiu Iesus in nauicula est, licet dormiat, nulla tamen præualebit tempestas. Caue ne Iesum extra nauem abijcias. Quod si feceris, impossibile erit te non mergi. Verùm, vt dixi, licet dormiat, tu tamè nõ mergeris, quamdiu tecum est Dñs. Pulsat voluptas, insurgit ira, fœuit inuidia, luxuria aestuat, exurgitq; aduersum te omne genus nequitia, tam humana, quàm diabolica, non timeas, quia nihil tibi nocebunt omnia hæc modò Iesus tecum sit in naui. Est autem Dominus Iesus tecum in naui, quamdiu audis tu tue salutis studes ea, quæ fecisti mala, plangere, vt etiam summopere caueas quicquid Deum offenderit admittere, satagens concertare inueniri in omnibus diuinæ voluntati. Dormit autem, si te graui tentatione pulante, dissimulàs auxilium subtrahit manifestum, licet occultè bonam voluntatem nunquam deserat, sed confortat, vires & consilia ei facta administrans. Hunc igitur dormientem excitare te oportet

Exod. 13. Eccl. 2.

Tempestates mysticæ quæ sunt.

Iesus quædo nobiscum sit in naui.

Quædo dormiat Christus. mysticè.

vt intè



imperans ventis fiat tranquillitas magna. Excitatio enim eius per clamorem fit orationis. Porro clamor cordis magnum est desiderium. Dominus inquit, exaudi orationem meam, & clamor meus ad te perveniat. Ora igitur ad Dominum: Domine salua me, quia non est in me virtus, eni perco, velocius exaudi me. Et sicut habet Psalmus. Exurge quare obdormimus Domine? exurge & respellas in sinem. Quare faciem tuam avertis? Oblivisceris inopia nostra & tribulationis nostrae? Itaque vigilare & excitatus Christus dicitur, quando spiritualis eius in corde gratia sentitur, vnde motus compescuntur tentationum, omniaque tunc tranquilla in homine conquiescunt. De hoc Augustinus loquens, dicit: Intran ventis in cor tuum, vti que vbi nauigas, vbi hanc vitam tanquam procellosam & periculosam pelagus transis, intrant venti, movent fluctus, turbant nauem. Qui sunt venti? Audisti conuictum, irasceris. Conuictum ventus est. Iracundia fluctus est. Periclitaris, disponis respondere. Disponis maledictum maledicto reddere. Tam nauis propinquat naufragio. Excita Christum dormientem in nauis. Idem enim fluctus & mala pro malis reddere praeparas, quia Christus dormit in nauis. In corde enim tuo somnus Christi obliuio est fidei. Nam si excites Christum, id est, si recolas fidem, quid tibi dicit tanquam vigilans Christus in corde tuo? Ego audiui, Demonium habes & pro eis orauit. Audit Dominus & patitur, audit feruus & indignatur? Sed vindictam vis. Quid ego enim sum vindicatus? Haec dum loquitur fides tua, quasi imperat ventis & fluctibus, & fit tranquillitas. Haec Augustinus. Vita igitur Christiana est vita crucis, & vita poenitentiae, quam exerceri oportet tribulationibus & aduersitatibus. Omnes enim, qui pie volunt viuere in Christo, persecutionem patientur, Patientur a carne, quasi tempestatum commotiones. Patientur a mundo, quasi turbationes maris. Patientur a diabolo, quasi impulsus ventorum: sed Christus inuocatus, & quasi a somno excitatus imperat ventis & mari, & fit tranquillitas magna: non ut omnino non sentiantur, sed ut cum tranquillitate, cum pace & silentio cordis tolerantur, praestante Domino nostro Iesu Christo, qui est benedictus in secula, Amen.

## SERMO IN EADEM DOMINICA.

*Quomodo respicienda semper sit prouidentia diuina, & quomodo ferenda tentationes.*

Domine salua nos perimus, Matthaei VIII. Neminem puto fidelium charissimum, adeo vel presumptuosum, vel ignarum, qui non ex Christi sola misericordia & protectione speret salutem. Scimus enim, teste Propheta, quam contemptibiles sint omnes iustitiae nostrae, quae panno mestrata comparantur. Quare licet mandata Dei (sine quibus aequae non est nobis salus) seruauerimus, quod nunquam nisi ex maxima protectione & Dei adiutorio faciemus, egemus tamen nihilominus quotidie, misericordia Dei pro delictis, quae nulla non hora committimus. Vnde nobis quotidie; imò assidue quouis die clamandum est: Domine salua nos, perimus. Hoc enim vnum est nostrum, nobisque semper adhaeret, peccare, Dei beneficia destruere, Dei negligere dona, & gratiae eius ingratos esse. Ideo ex nobis nihil habemus, nisi vnde perimus.



Mari curseculam comparatur.

Iacob. 1.

Ioan. 6.

Aduersitates de manu Dei accipiendas.

Math. 11.

Exod. 1. 1.

4. Reg. 4.

Ierem. 17.

Viuimus præterea in hoc mundo non aliter, quam in procelloso mari, in quo multis naufragantibus vix pauci ad portum euadunt salutis. Comparatur idcirco non iniuria mari seculum hoc, seu mundus. Si quidem quomodo in mari pisces maiores deuorant iuniores, ita quoque in hoc seculo, qui potentiores sunt, opprimunt inferiores. Proinde Iacobus ait Apostolus: Nonne dicites per potentiam opprimunt vos? Deinde in mari quam rara est tranquillitas, tam rara, & multo minor est etiam in mundo. Eam ob rem Christus suis prædixit: In mundo pressuram habebitis. Postremò, tribulationes eodem fermè & ordine & causa eueniunt nobis in mundo, quo in mari tempestates. In mari namque oritur tempestas, vel quia inducit hanc causa superna, puta stellarum & planetarum motus, occurfus seu recessus. Aut quia ab imo tumet feruetque mare: aut à causa media, hoc est, à ventis, mare concutiente. Pari modo tentationes, aduersitatumque tempestates hominibus in mundo eueniunt. Quædam enim à causa veniunt superiore, hoc est, à Deo permittente. Quandoquidem dispensatione ita agitur diuina, vt ille & ille habeat pati. Nemini tamè iubet Deus iniquè agere, nec vult quempiam facere iniquitatem fratri suo, quamuis non semper impedit, sed relinquit hominem, dum satis monitus inspirationes sanctas, monita scriptura, & exhortationes pias respicit, arbitrio suo. At verò illum, qui sustinere habet molestiam, iubet nequitiam pati alienam, vt pro patientia illius habeat, vnde iuste eum coronet. Quamùm igitur attinet ad inferendam molestiam, non est à Deo aduersitas. Nemini enim iubet, vt te persequatur. Verum quantum spectat ad sustinendam aduersitatem, sapissimè, imò nunquam non est à Deo. Quare consultissimùm nobis est, vt semper hanc accipiamus à Deo, imò tanquam è manibus eius, nostrum vniciquique dicentis: Fili hec sustine propter peccata tua, & propter me. Ego hæc tibi mitto patiendâ. Esto mitis & patients mei amore. Legimus Nabuchodonosor quomodo afflixit, torfit, & in captiuitatem abduxit filios Israel, qui castigatione erant diuina digni propter peccata sua. Misit enim Deus filijs Israel & Iuda virgam disciplinæ suæ in hoc rege Nabuchodonosor, quem voluit vt ferrent, cuique se captiuos traderent, quia eo utebatur ad castigationem peccatorum ipsorum, dispensatiuè permittens, non iubens eum persequi, affligere, captiuosque abducere filios Israel. In hoc igitur minister fuit diuinæ iustitiæ Nabuchodonosor rex, quia afflixit, qui diuina iustitia & peccatis suis exigentibus erant castigandi, & propterea in scriptura à Domino vocatur seruus suus, & virga furoris sui, quia per eum puniuit filios suos. Nō tamen ita minister fuit Dei, vt idcirco persequeretur, quo diuinæ voluntati iustitiæque seruiret, aut vt eo suæ persecutionis referret intentionem, quo diuino obtemperaret iudicio, sed dum suæ satisfaciebat tyrannidi ac crudelitati sæuiens in Iudæos, in hac nesciens Dei exequabatur sententiam, & afflixit quos Dominus voluit esse afflictos. Eos afflixit ex suæ voluntatis malitia, quos afflictos voluit Deus ex misericordissima iustitia. Vnde licet in hoc vocaretur seruus Dei, quod fecit id quod permisit Dominus fieri, quodque affligendos voluit iuste pati, nullam tamen in hoc laudem, sed iram meruit propterea à Deo, sibi ipsi, non Deo, obtemperans. Inde tamen colligitur, quod Iudæi non tam Nabuchodonosor persecutionem hanc debebant adscribere, sed magis in illa diuinam intelligere iusti-



iustitiam, suis peccatis, vt commeruerant, digna reddentem, eandemque  
 persecutionem à Nabuchodonosor quidem factam, non tamen hanc ab  
 eo, sed de manu Domini accipere. Hoc modo omnes tribulationes, quæ  
 quinque nobis occurrunt, recipiendæ sunt à Deo. Respicendum namque ad  
 eius sapientissimam prouidentiam, qui suis nihil euenire sinie electis, nisi  
 quod illorum nouerit conducere salutem, & ad eius benignissimam volun-  
 tatem, quoniam diligenter eum omnia conuertit in bonum. Idcirco tan- Roma. 8.  
 quam ab eius manu sunt omnia accipienda. Non igitur filij, vestra sit occu-  
 patio, aut animi disputatio, quis hanc vobis procurauerit (quam fertis)  
 molestiam, aut cuius arte & studio vobis illatum sit malum, quove auro-  
 re, quod noluitis, patratum sit. Sed relictis hominibus, relictâ inuestiga-  
 tione quacunque, siue triste, siue iucundum vobis quid euenierit, ad Deum  
 recurrere, de eius beneplacito, de paterna eius manu, quicquid fuerit, il-  
 lud suscipere, scientes neminem posse hominum vobis machinari malum  
 absque eius permissione. Si igitur homini cuius, aut diabolo Deus in te per-  
 mittit potestatem tibi corporaliter aut temporalibus rebus nocendi, sig-  
 num est, quod à te vult illud, quod te lædit, sustineri. Quod cum velit, tu  
 quis es, qui audes contrarium eius voluntati velle? aut qui auderes contra  
 hanc eius voluntatem murmurare? Dic potius: Ego hæc merui, ego his di-  
 gnus sum, idcirco Pater meus, qui amat me, illi mandauit, vt me flagellaret. Vt Hebr. 12.  
 quid ergo murmurarem contra flagellantem, cum habeam, sciamque Pa-  
 trem, qui iussit me subdi flagellis, amantem? Hoc modo omnes tribulatio-  
 nes mundi à Deo recipiendæ sunt: vnde quoque veniunt, potissimum electis,  
 qui non solum aduersitates tolerando, sed intelligendo etiam in his prou-  
 dentiam diuinam, spiritu proficiunt. Est tamen aduersitas, quæ à Deo singu-  
 lariter dicitur inferri, vt quod Paulus ad terram deiectus ex equo nihil vi- Act. 9.  
 dit, Deoque respondit alloquenti, scilicet Christo Iesu: *Domine quid me vi-* ibidem.  
*suere:* & similes huiusmodi aliæ, vt sunt infirmitates. Secundo, tempestas  
 seu calamitas oritur ex causa inferiore, vt ab hominibus malis, tyranniis  
 & improbis. De quo Christus loquens: *Ecce ego, inquit, mitto ad vos Prophetas*  
*& sapientes & scribas, & ex illis occidentis & crucifigentis & ex eis flagellabit in syn-*  
*goga vestra, & persequimini de ciuitate in ciuitatem.* Porro causa media tentatio-  
 num nostrarum sunt hostes maligni, qui nobiscum versantur in aere. Variæ  
 autem sunt tentationes, aduersitates, calamitates tribulationesque multiplices  
 electorum, aut in corpore, aut in fama, aut in rebus, aut in corde. Hæc autem,  
 quæ in animo versantur, tentationes sunt plerumque multo grauiores, maxi-  
 me spirituales, vt sunt desperatio contra spem, tentatio perfidie contra fidem,  
 tentatio blasphemie & tristitie contra charitatem, vnde quandoque tentatio  
 oritur sui occisionis. Coram his, qui ad has tentationes inclinati sunt, non  
 est tutum de tentationibus huiusmodi loqui. Statim enim, vt nominari au-  
 dierint, imaginationes & terrores phantasiasque recipiunt. Obseruanda est au- Mentis tri-  
 tem, maximeque cauenda tristitia mentis homini præsertim Deo deuoto, qua stis cur ma-  
 nihil aliud est quam nidus diaboli, in quæ suggestionum malarum fraudumque xime cauen-  
 sitarum recondit oua, è quibus grauissimas excubare nititur tentationes spi- da sit.  
 rituales. Est enim tristitia idonea ad recipiendas fouendasque passiones qual-  
 cunque & tentationes, præsertim spirituales, vt sunt inuidia, odij, acedia,



2. Cor. 7.

Remedium  
contra spiri-  
tales tenta-  
tiones.

blasphemiarum, desperationis, scrupulositatis, perfidiarum, & huiusmodi. In omni quoque tentatione spiritali ferè semper prima occurrit tristitia, qua vbi hominem superauerit, facilè introducet alias, quas voluerit passionibus hostis malignus. Est igitur summoperè vobis cauendum, ne in tristitiam, hoc est, in quoddam tædium mentis cadatis, vt neque orare, neque legere, neque operari possitis, sed omnia sint vobis fastidio tædeatque vos viuere. Hæc enim tristitia mortem operatur. Quapropter si de generali est remedio loquendum contra spirituales tentationes mentis, præcipuum quod facias, sit, vt tristitiam illam amaram, fastidiosam & melancholicam non admittas: imò quantum in te est, & quantum potes, age, vt eam non sentias. Excute eandem ne illi consentias, ne foueas, sed si sentire cogaris, inuitus sentias. Cogete ad spiritualem lætitiã, quæ spem roborat, generat deuotionem aut compunctionem. Honestam etiã lætitiã, quæ in humana est conuersatione, tunc fas est admittere. Item hymnos & cantica spiritalia in silentio frequentare, iuuat non modicum. Porro tentationes, blasphemiarum, & huiusmodi sceleratæ incidentiæ nunquam melius, quam per contemptum vincuntur. Fac igitur semel, qui huiusmodi infestis cogitationibus malis, generalem confessionem bonam, si in statu fuisti peccandi, & firma voluntatem tuam in bono, vt semper maneat conformis cum voluntate diuina, nunquam aliud eligere volens, quam illius beneplacitum, faciasque pactum cum Deo generale, cogitationes illas, quibus infestaris, nunquam spontè velle admittere. Quibus tamen, cum se ingerunt, non oportet e contrariò repugnare, nec cum eis contendere (nam hoc modo magis tibi eas imprimis) nec etiam timere, aut propter eas pusillanimum fieri, sed prorsus tanquam rem indignam contemnere, & ceu rem vilem spernere, indignamque arbitrari, cum qua debeat contendere, aut cui debeat responderi. Has enim debes tanquam anserum sibilos, aut canum latratus contemptum præterire, deridere, nec tibi, sed diabolo imputare, quia tu nihil agis in hac tentatione, sed pateris. Hoc modo multò citius vincuntur per dissimulationem, quasi nihil tibi sceleratè incidisset, contemptæ, & eas non timendo, quam si turbaberis, aduersum illas pugnando, aut cum scrupulo, quid incidere inuestigando, intuendo, recogitando & expendendo, aut ad confessorem currendo. Nam si bonæ alioqui fueris voluntatis, qui peccare & Deum offendere nolis, sibilos illos omnes dæmoni malo adscribe, & te liberum, tranquillum, & alacrem, ac si nulla esset aut fuisset tentatio huiusmodi, ad orationem serua. Est præterea necessarium in huiusmodi tentationibus viro alicui experto bonæ conscientiæ (de quo possis præsumere ipsum nolle te fallere, ipsum nolle seducere, aut inducere ad peccatum) credere magis, quàm scrupulis proprijs, eiusque definitionibus acquiescere. Certissimus esto, nihil te rectè iudicare posse, si timor atam nimis habueris conscientiam, scrupulosam scilicet, quia timor iudicium rationis mutat in ambiguitate contentum ab altera parte, ad quam amor, aut timor, aut nimia passio, inclinatio, ve, aut certè tentationis improbitas te trahit, atque ideo nunquam homo tentatus rectè potest iudicare. Hoc præsciens, nunquam tibi, nec tuo sensui opinionive credas, sed acquiescas ei oportet, quem Patris aut directoris

Vri quisque  
seste alicui  
bono viro  
qui eum in-  
stituat, com-  
mittat.

loco



loco animæ tuæ elegisti. Nec multorum debes imitari morem, qui semper & multos interrogant, neminem tamen sequuntur, quia nullum illis consilium placet. Rectius enim illud, quod sibi videtur, arbitrantur, & suum alieno semper consilio præferunt. Putant enim eis non ad infirmitatem quætionem rectè responderi, aut se non satis intelligi, aut quod sentiunt, non satis se exprimere, ut possint intelligi. Sciendum postremò quod licet vitiosis quibuscunque, ad quæ tentamur, haudquaquam sit assentiendum, submittere tamen nos debemus diuinæ voluntati, & assentire Deo, ut sustineamus nos tentari, id est, ut contra pressuram tentationis non murmuremus, nec contra molestiam repugnandi, sed animo nos Deo offeramus resignato sustinere hanc, aut quamlibet tentationem aliam, quamdiu benè placuerit Deo nobis eandem imponere, non orantes pro liberatione, sed pro directione, confortatione, protectione diuina, & ne finat nos periclitari, aut ex tempestate huius scilicet tentationis naufragari. Hoc est enim, quod Apostoli quoque orauerunt: *Domine salua nos, perimus*, hoc est, serua nos ne pereamus. **Marth. 2.** Si nos tentari, si nos tentationum fluctibus vis concuti, si timere nos vis & trepidare, saltem salua nos, serua nos, quia nisi seruaueris tu nos, in tentatione succumbemus atque peribimus. Non prætereundum autem est quod à tribus generantur nobis tempestates, hoc est, tentationes in hoc mari magno: scilicet à mundo, à carne, & ab hoste maligno. Quicquid à mundo nobis tentationis occurrit, aut blanditur, aut terret. Blandimenta, ut sunt honores, diuitiæ, promissionesque terrenæ, fuga vincenda sunt. Ibi celeriores non habebis victoriam, quam fugiendo occasiones. Porro ubi terret, aut persequitur mundus, vincendus est patientia. Neque enim ex aduerso pugnare contra mundum, hoc est, contra malos homines, est vincere mundum, sed potius superari à mundo. Patiendò verò & tacendo vincimus, Christo nobis id ipsum prædicente: *In patientia vestra possidebitis animas vestras.* **Luc. 21.** Secundus hostis à quo nobis excitantur tempestates, est caro. Hæc si vinci debet aut subiugari atque in tranquillitatem conuerti, continuè est castiganda & mortificanda. Abneganda sunt ei desideria eius, subtrahenda voluptas, amara & laboriosa imponenda. Hoc enim & non alio modo vincitur caro. Tertius hostis, à quo tempestas generatur, est diabolus, qui fraudulento suo fita, hoc est, suis dolosis suggestionibus nos molitur submergere. Huic resistendum est in fide, scientibus nobis illum nihil boni nobis suadere, sed ex tantum, quæ nobis ad salutem sunt noxia, & quæ gratiam amicitiamque nobis tollunt aut minuunt Dei: nihil quoque eum aduersum nos posse, nisi quatenus ipsi volumus nos eidem subijcere. Adest enim volentibus nobis auxilium de cælo. Quamobrem oratione utamur aduersus eum continua ad Deum. Obseruemus quoque alios priores hostes ne concitent nobis tempestates. Per hos enim ille artes nocendi inuenit, per hos nos oppugnat. Quare humilietur, subijciatur, contemnantur hi, nec audiantur necesse est, ut vires habeat spiritus maiores contra diabolum, quibus illum vincat. Nam si diabolus per carnem & per mundum quoque nos tentat, non vnum tantum, sed tres habemus hostes, qui æquè nos impugnant, quibus in resistendo spiritus sit debilior, præsertim cum familiarem suum amicum, hoc est, carnem iam habeat inimicum, & aduersario consentientem ac fœderatum.

Q

Resignatio  
in tentatione  
necessaria.

Marth. 2.

Tentationes  
à tribus ge-  
nerantur.

I.

Luc. 21.

II.

III.

1. Pet. 5.

T. VI  
21



tum. Dominus igitur Iesus Christus adiuuet infirmitatem nostram, & expugnet nobiscum & in nobis omnem hostilitatem, qui est benedictus in secula, Amen.

DOMINICA VI. POST DOMINI NATIVITATEM, Epistola B. Pauli Apostoli, ad Collossenses III.

**I**nduite vos sicut electi Dei, sancti, & dilecti viscera misericordie, benignitatem, humilitatem, modestiam, patientiam, supportantes inuicem, & donantes vobismetipsis, si quis aduersus aliquem habet querelam, sicut & Dominus donauit vobis, ita & vos. Super omnia autem hec charitatem habete, quod est vinculum perfectionis. Et pax Christi exaltet in cordibus vestris, in qua & vocati estis in vno corpore: & grati estote. Verbum Christi habet in vobis abundanter, in omni sapientia, docentes & commonentes vobismetipsos in Psalmis, & hymnis, & canticis spiritualibus in gratia, cantantes in cordibus vestris Deo. Omne quodcumque facitis in verbo, aut in opere, omnia in nomine Domini nostri Iesu Christi: gratias agentes Deo & Patri per Iesum Christum Dominum nostrum.

PARAPHRASIS IN EANDEM EPISTOLAM.

Colloſſ.

**A**NTE hæc verba docuerat Collossenses Paulus veterem expoliare hominem & induere nouum, qui ad imaginem Dei creatus est. Iuxta quem hominem nouum (inquit) non est circuncisio, nec præputium, nec seruus aut liber, nec vir aut mulier, sed omnia & in omnibus Christus. Quem qui induerunt, eum, à quo habent omnia quæcumque habent, induerunt, & quicquid faciunt boni, per ipsum faciunt. Iam sequitur hodierna epistola: Vos itaque qui Christum nouum quem hominem induistis, induite quoque vos sicut electi Dei ad vitam æternam præordinati, & à Deo dilecti (hic enim dilexit vos & lauit vos in sanguine suo) vt magis ab eodem diligamini. Induite, inquam, eas virtutes, quas ipse diligit. Induite viscera misericordie, vt internus affectus pietatis quæ intrus geritis, in omnibus membris & operibus vestris ex omni parte se prodar. Induite benignitatem quæ est serenitas quædam animi, qua, ad alloquendum (præcipue vbi Dei contemplatione est loquendum) quis hilariter, ad conuersandum suauiter, & ad tribuenda liberaliter sua propter Deum incitatur. Induite humilitatem, quæ verbis, operibus, moribus, vestibus, signis & gestibus vestris nunquam desit: imò quæ nusquam non luceat in vobis. Induite modestiam, qua in omnibus temperati modum seruetis & honestatem. Et quia non raro aduersitates & molestiæ vobis occurrent, induite quoque patientiam, supportantes inuicem, suppleudo alter alterius defectum, & alter alterius portandò onus: donantes alterutrum ac vicissim, si quis habuerit querimoniam aduersus aliquem de iniuria aut contumelia sibi illata. Et hoc fiat non fictè, sed ex animo, plenè ac perfectè, sicut Dominus donauit vobis.

Apoc.

Benignitas  
quid sit.

Galat. 6.

Super omnia autem & maximè omnium habete charitatem, quæ excel-